



Cussegl da vischnaunca 01-2013/2016

Seduta dils 11 da schaner 2013

Protocol

dalla seduta constitutiva dil cussegl da vischnaunca,
venderdis, ils 11 da schaner 2013, allas 19⁰⁰ – 20⁴⁰ uras
en halla Cons

Presidi:

Francestg Cajacob, president communal
Flavio Murer, president dil cussegl da vischnaunca

Actuar:

Ervin Maissen

Presents:

- | | | |
|-----------------------------|--|--|
| a) Cussegl | Christoph Berger
Armin Berther
Adrian Bigliel
Silvio Candinas
Edgar Durschei
Rita Huonder-Tenner
Wendelin Jacomet
Jordana Lozza-Desax | Theodosi Maissen
Flavio Murer
Adrian Pally
Marco Schmed
Alfred Spescha
Rico Tuor
Livio Zanetti |
| b) Suprastonza
communala | Francestg Cajacob
Madlen Deflorin-Spescha
Cecilia Maissen-Desax | Iso Mazzetta
Roger Tuor |
| c) Canzlist
communal | Andri Hendry | |
| d) Hosps | Officials demissiononts, Chor baselgia Segnas, vischins e vischinas,
en tut ca. 100 personas | |

La gliesta da tractandas secloma sco suonda:

1. Avertura entras il president communal
2. Undraziuns
3. Appel
4. Elecziuns:
 - 4.1 da dus dumbravuschs e dus suppleants per 2013/2016
 - 4.2 dil president dil cussegl da vischnaunca per 2013
Saramentaziun dallas autoritads communalas
 - 4.3 dil vicepresident dil cussegl da vischnaunca per 2013
 - 4.4 digl actuar dil cussegl da vischnaunca per 2013/2016
 - 4.5 dil vicepresident communal per 2013/2016
 - 4.6 dalla cumissiun da gestiun
 - 4.7 dalla cumissiun da baghegiar
 - 4.8 dalla delegaziun Corporaziun Spital regional Surselva e Spitex Cadi
 - 4.9 dalla delegaziun Fundaziun Casa da tgira Sursassiala
5. Agenda 2013
6. Comunicaziuns
 - Suprastonza communal: Repartiziun dils departaments per la perioda d'uffeci 2013/2016

Il Chor baselgia da Segnas sut la direcziun d'Yvonne Flepp enramescha da maniera festiva la seduta constitutiva dil cussegl da vischnaunca per la perioda d'uffeci 2013/2016. Per las bialas produenziuns admetta il president communal al chor in cordial engraziament.

Cussegl da vischnaunca Disentis/Mustér
Il president: Igl actuar:

Flavio Murer

Ervin Maissen



1. Avertura entras il president communal

Plaid introductiv dil president communal Francestg Cajacob

„Bien di, bien onn ed *in cordial beinvegni* alla seduta constitutiva dil cussegl da vischnaunca per la perioda d'uffeci 2013/2016. Jeu beneventel cordialmein ils niev eligi commembers dallas autoritads communalas. In special beinvegni allas convischinas ed als convischins.

In cordial engraziament al Chor baselgia Segnas sut la direcziun dad Yvonn Flepp per las producziuns canticas. Grazia agl engaschament da bia persunas, ha nossa vischnaunca ina viva veta culturala.

Presents ein ils commembers dallas autoritads communalas e dallas cumissiuns, che han demissiunau per la fin dalla perioda d'uffeci, sco era las numerusas persunas che han cooperau en ina ni l'otra fuorma ellas cumissiuns.

L'avertura d'ina nova perioda d'uffeci ei da muntada speciala. Cun l'entschatta da quest onn ha ei dau grondas midadas, cunzun el cussegl da vischnaunca. Grazia al grond engaschament da vischinadis e dalla gruppa preparatoria per las elecziuns communalas, eis ei reussiu da completar tuts posts politics.

Nossa regiun ed en special la vischnaunca da Mustér stattan avon grondas sfidas. Mantener e crear novas plazzas da lavur a Mustér sco subcenter ei decisiv per in prosperar e per garantir in futur cun perspectivas. Quei ei denton mo pusseivel en cooperaziun cun las vischnauncas vischinontas e cul sustegn dil suveran.

La midada ei la suletta constanta. Quei vala era per las vischnauncas grischunas. 2008 dumbraven ins 203 vischnauncas. 2013 vegn il cantun aunc ad haver 145 vischnauncas. A vesta alla stretga collaboraziun existenta ei ina fusiun dallas vischnauncas da Sursassiala a mesa vesta ina concreta opziun.

El proxim quadrienni havein nus pliras impurtontas sfidas. Cheu sieigi numnau entginas:

- cooperaziun sparta da scola e forestala Sursassiala
- investiziuns e strategia futura Center da sport e cultura
- strategia organisaziun "Turissem Mustér-Sedrun"
- ovra pintga Ual d'Acletta
- collaboraziun sparta da sanadad (Casa da tgira Sursassiala, spitex)
- intensiviar collaboraziun cun sparta turistica en special cun las pendicularas Mustér, las qualas fuorman il motor turistic
- tgirar bunas relaziuns cun la Distec, sco pli grond menaschi industrial dalla Surselva
- cooperaziun cun gimnasi claustral e cun la claustra benedictina, quei cunzun a vesta dil giubileum 1'400 onns igl onn 2014
- realisar la direcziun communal per la cumpart operativa

Ils 6 da fevrer 2013 ha liug ina sera d'orientaziun concernent las duas fatschentas communalas che vegnan suttamessas ils 3 da mars 2013 al suveran. Vinavon han ins la pusseivladad da s'exprimer e deponer giavischs sut tractanda discussiun.

In dils puncts ils pli essenzials dil proxim temps ei construir "punts", quei tenor il proverbi african "Igl ei meglier da baghegiar punts che mirs". Mia finamira ei da baghegiar punts denter giuvens e vegls, denter indigens ed jasters, denter la vischnaunca ed ils vischins e denter ils purtaders da prestaziun el liug.

La plipart dils commembers dil cussegl da vischnaunca ein novs. Quella regiuvinaziun ei ina sfida ed ina schanza per nossa vischnaunca. Nus vegnin en mintga cass a dar tut sustegn als niev eligi. Jeu appeleschel a Vus tuttas e tuts da cooperar per contonscher comunablamein las finamiras.

Ils commembers dallas autoritads communalas vegnan *saramentai*. *Cun quei* act solem e festiv engira in e scadin avon Diu ni empermetta d'ademplier las incaricas surpridas cunscienzusamein e tenor meglier saver e puder.

Quei engraziament va era a vus, caras convischinas e cars convischins per la gronda confidanza e per il bien sustegn. En num dalla suprastanza communal saiel jeu confirmar, che nus vegnin a s'engaschar per il beinstar general."

Cussegl da vischnaunca Disentis/Mustér
Il president: Igl actuar:

Flavio Murer

Ervin Maissen



2. Undraziuns

President communal

„Oz prendein nus cumiau d’in tschuppel personas ch’han contribuì duront biars onns per il beinstar general da nossa vischnaunca e regiun. Nus havein envidau ellas alla seduta constitutiva dil cussegl da vischnaunca per saver undrar ed engraziar per ils gronds merets. Era in cordial engraziament a tuts quels ch’ein s’engaschai en ina u l’altra moda per il beinstar general.

Sco mudesta reconuschientscha surdein nus ina platta da scalegl dalla vischnaunca da Mustér, creada da nossa artista indigena Regina Giger-Caminada. Quei duei esser in mudest simbol d’engraziament.”

Regina Giger-Caminada

L’artista che ha creau la platta ord crap scalegl descriva cuort la via co la platta ei sesviluppada. Tier mintga crap setracta ei d’in uncat ch’ella ha anflau ella cava da crap scalegl al Calmut. En quei senn ein era tuttas personas che vegnan undradas oz, mo era las personas ch’entran niev en uffeci, in original che dattan fuorma alla cuminonza che san denton sesviluppar mo cul sustegn da mintgin.

La surfatscha dalla platta ha stuiu vegnir mulada e tractada. Aschia molla era il temps cun sias experientschas el decuors dils onns vid ils funcziunaris e madirescha lur agir.

Mintga platta ha survegniu sil cantun ina gravura cul num dalla persona undrada. Ulteriuramein ei la platta ornada cugl uoppen da nossa vischnaunca. Num ed uoppen fuorman in’unitad.

Ella engrazia grondamein per la honur d’astgar crear quei present da reconuschientscha.

„Las suandontas personas astgan retscheiver ina platta da scalegl:

Suprastonza communal

President communal

Dumeni Columberg

Ussa terminescha el sia incarica suenter bunamein 6 onns sco president communal. Gia avon ha Dumeni Columberg tgamunau nossa vischnaunca duront 17 onns. Duront siu secund engaschi sco president communal ha el iniziàu e realisau cul sustegn dil pievel in grond diember d’impurtonts projects sco p.ex. revisiun da numerusas impurtontas leschas, denter auter la costituziun communal, la lescha da baghegiar e la lescha da taglia, revisiun dalla planisaziun locala, sanaziun dalla casa communal, niev luvratori communal, Oвра Russein SA. Nus engraziein a Ti per Tiu enorm engaschi e giavischein aunc a Ti bials dis, buna sanadad e gauda la pensiun beinmeritada. Grond engraziament per tut il bien prestau ed in profund Dieus paghi.

Dumeni Columberg

Engrazia per l'undraziun, mo era a tut quels ch'ein segidai duront tut ils onns pil beinreussir dalla lavur. Senza la gronda confidanza duront onns e decennis fuss ei buca stau pusseivel da realisar tut ils postulats e da contonscher ils buns resultats. Mustér sesanfla sin buna via e la nova equipa vegn a s'engaschar pil beinstar da nossa vischnaunca.

Cussegl da vischnaunca

Clemens Berther

16 onns commember dil cussegl da vischnaunca ed ils davos quater onns sper cusseglier aunc commember dalla cumissiun da gestiun. En tut ha el apparteniu duront 10 onns alla cumissiun da gestiun. Duront onns e decennis ha Clemens Berther luvrau cun grond engaschi en differents uffecis.

Heinrich Berther

28 onns commember dil cussegl da vischnaunca. El ei bein in dils pli versaus ufficials cun impurtants contacts sco deputau. Duront onns e decennis ha Heinrich Berther luvrau cun grond engaschi buca mo el cussegl da vischnaunca, mobein era en numerusas cumissiuns, denter auter era ella cumissiun da baghegiar.

Robert Cajacob

7 onns commember dil cussegl da vischnaunca. Duront onns e decennis ha el luvrau cun grond engaschi en differents uffecis. Aschia denter auter duront 9 onns (1982-1989) sco president dil cussegl da scola ed ils davos 16 onns sco commember dalla cumissiun da baghegiar.

Bernadetta Caminada-Mühlebach

4 onns commembra dil cussegl da vischnaunca.

Giusep Columberg

10 onns commember dil cussegl da vischnaunca.

Emerita Flepp-Degonda

4 onns commembra dil cussegl da vischnaunca.

Victor Flepp

22 onns commember dil cussegl da vischnaunca ed ils davos quater onns sper cusseglier aunc commember dalla cumissiun da gestiun. Duront onns e decennis ha Victor Flepp representau il commerci el cussegl da vischnaunca e luvrau cun grond engaschi en differents uffecis e cumissiuns.

Martina Gienal-Caviezel

7 onns commembra dil cussegl da vischnaunca.

Pius Huonder

2 onns commember dil cussegl da vischnaunca.

Pirmin Lozza

4 onns commember dil cussegl da vischnaunca.

Avat Vigeli Monn

13 onns commember dil cussegl da vischnaunca ed ils davos quater onns sper cusseglier aunc commember dalla cumissiun da gestiun. Nus

giavischein ch'il Tutpussent detti ad avat Vigeli la forza d'exequir la meriteivla funcziun sco parsura dalla claustra da Mustér.

Cussegl da scola

Buca grondas midadas dat ei tiel cussegl da scola. Dus commembers bandunan quel.

Alfons Quinter

El ei staus duront 7 onns commember ed actuar dil cussegl da scola.

A tuts undrai in cordial engraziament per tut il bien prestau.

Vinavon han pliras commembras e plirs commembers da cumissiuns e delegaziuns demissiunau. Era per quei engaschi in resentiu engraziament:

Cumissiun da baghegiar

Robert Cajacob

Delegaziun da Spital Surselva

Robert Cajacob, Astrid Flepp-Manetsch, Martina Gienal-Caviezel

Delegaziun Spitex Cadi

Martina Gienal-Caviezel

Cussegl da fundaziun „Casa da tgira Sursassiala“

Rita Pally-Hartmann

Cumissiun da menaschi Center da sport e cultura

Hans Huonder, Tamara Deflorin, Pirmin Lozza, Manuela Meier, Flavio Murer

Cumissiun biblioteca populara

Annalise Caduff-Gadola“

Cussegl da vischnaunca Disentis/Mustér
Il president: Igl actuar:

Flavio Murer

Ervin Maissen



Cussegl da vischnaunca 01-2013/2016

Seduta dils 11 da schaner 2013

3. Appel

Il canzlist communal Andri Hendry prelegia ils nums dils commembers dil cussegl e constatescha la preschientscha cumpleina dils commembers dil cussegl.

Il president communal constatescha che la seduta ei vegnida convocada conform agl uorden da fatschentas, aschia ch'il cussegl da vischnaunca ei habels da decider.

Cussegl da vischnaunca Disentis/Mustér
Il president: Igl actuar:

Flavio Murer

Ervin Maissen



4. Elecziuns:

4.1 *da dus dumbravuschs e dus suppleants per 2013/2016*

President communal

Tenor art. 4 dil regulativ da fatschentas succedan las elecziuns cun maun pli, aschinavon ch'ei exista mo ina proposta e che negin pretenda scrutini. Cunquei ch'ei vegn buca fatg autras propostas, succeda l'elecziun cun maun pli.

Proponi sco dumbravuschs ein, *Adrian Bigliel ed Adrian Pally* e sco suppleants *Silvio Candinas e Marco Schmed*.

Elecziun

Il cussegl da vischnaunca elegia unanimamein per la perioda d'uffeci 2013/2016:

sco dumbravuschs Adrian Bigliel ed Adrian Pally

sco suppleants da dumbravuschs Silvio Candinas e Marco Schmed

4.2 *dil president dil cussegl da vischnaunca per 2013*

President communal

Sco president dil cussegl da vischnaunca per 2013 ei *Flavio Murer* proponius.

Tenor art. 11, alinea 4 dil regulativ da fatschentas succeda l'elecziun dil president e dil vicepresident entras scrutini.

Cusseglia Rita Huonder-Tenner

Flavio Murer appartegn dapi 4 onns al cussegl da vischnaunca, dus onns sco vicepresident. Avon ha el apparteniu sis onns alla cumissiun da gestiun, dalla quala el ha puspei fatg part il davos miez onn sco successur d'avat Vigeli Monn. Plinavon ha el fatg part da differentas cumissiuns e presidiescha actualmein pliras uniuns. Flavio Murer ei maridau ed ha dus buobs.

Elecziun

Cedels reparti	15
Cedels returnai	15
Cedels vits	2
Cedels valeivels	13

Cun 13 vuschs ei cusseglier Flavio Murer eligius sco president dil cussegl da vischnaunca per 2013.

Il president communal gratulescha al niev eligiu president dil cussegl da vischnaunca e damondel el, schebein el accepta l'elecziun e surdat ad el in matg fluras.

Plaid dil niev eligiu president dil cussegl da vischnaunca

„Preziadas cusseglieras e prezias cussegliers, preziada suprastonza communal, preziadas convischinas e prezias convischins, prezias hospes

Las commembras ed ils commembers dil cussegl da vischnaunca han gest eligiu mei sco president da quei gremi. Per vossa confidanza enviars mei lessel haver engraziu grondamein.

In grond engraziament admittel a mes confamiliars. Nos dus buobs Lian-Mattia ed Elia-Maurin han deplorablamein buca survegniu sortida per questa sera. Els vegnan denton gia a semiar davart las aventuras ch'il di da damaun porta puspei ad els. En special vi jeu engraziar a Ti Ursina. Senza Tia capientscha fussen tut mes engaschis professiunals, politics e culturals buca pusseivels. Jeu engraziel a Ti persunter e sperel d'ina gada pli tard astgar reflectar ensemen cun Tei tut quels engaschis sco positivs per nies svilup comunabel.

Engraziar vi jeu era pil grond sustegn dalla populaziun per astgar ademplir quell'incarica politica per vus tuts.

Il parlament communal al qual jeu astgel star avon ussa per in onn ei in cussegl da vischnaunca giuvenil. Per quella confidanza enviars la giuventetgna selubeschel d'engraziar en num da tuttas cusseglieras e tuts cussegliers. Tuttina ha quella medaglia duas varts cun quei che la representanza dallas dunnas el parlament communal cuntenta diltuttatfatg buca. Jeu sai mo appellar allas dunnas da cumbatter egl avegnir pils dretgs pretendi sur decennis.

Differentas fermas petgas politics han fatg plaz als nievelegi. Per lur engaschi nunstunclenteivel en favur da nies beinstar miu sincer engraziament. Plirs da vus preziadas cusseglieras e cussegliers vegnis catapultai naven da 0 sin 100 e quei en in fetg cuort temps. Vus astgeis denton far sbagls. Nossas convischinas e convischins prendan il duiv risguard en quei temps d'introducziun el menaschi politic.

Miu post da president vesel jeu sco moderatur e mediatur denter suprastonza e cussegl. Per sentir il puls da convischinas e convischins essan nus tuts responsabels. Cun sedutas bein preparadas da mintga vart ed aschia effectivas lein nus selegrar da resultats curaschonts.

Jeu selegrel denton da tut quei ch'igl avegnir porta a nus. Raquintar dil vargau ei sempel pertgei ch'ils resultats ein enconuschents. S'imaginar, semiar e discussiunar davart il futur ei denton bia pli fascinont.

Lein pia esser responsabels en emprema lingia da quei che nus lein muentar el futur. Pli baul era ei nuot meglier. Autruisa ein las decisiuns futuras da gliez temps stadas fallidas.

La reorganisaziun da nies territori muntagnard vegn ad esser ina dallas provocaziuns dils proxims onns. Co lein ni astgein nus ir entuorn cun las resuras che nies agen territori porscha. Havein nus insumma la pussevividad da desister sin in'entrada ni l'otra seigi quei en connex cun nossas resuras naturalas sco per exempel l'aua ni nies spazi da viver.

Da l'otra vart vi jeu motivar convischinas e convischins da nezegiar pli stedi las purschidas e l'infrastructura che l'interessenza privata sco era quella dil maun public porschan. Nua ei vies plaz preferiu en vischnaunca, nua ei vossa occupaziun preferida en vischnaunca. Sch'ei separticipar auters vid quels scazis. Nossa claustra, nies territori da skis, nies center da

sport e cultura, nossa purschida a Fontanivas per mo menziunar in pèr paucs.

Seposiziunar enviars auters territoris turistics en las alps savein nus secapescha era cun nies lungatg excepziunal. Jeu hai in fervent giavisch ch'il bien di ni la buna sera contonschien era vinavon nos hosps dalunsch e damaneivel.

Nus tuts lein star en per ina convivenza vicendeivla e curteseivla. Da cuminonza essan nus semtgai per tuttas provocaziuns futuras. Lein semetter vid la lavur. Ei dat aunc bia da far. En quei senn acceptel voss'elecziun."

Saramentaziun dallas autoritads communalas

President communal

El passa alla saramentaziun dil niev eligi president dil cussegl da vischnaunca e supplichescha l'entira raspada da sesalzar duront quei act festiv e solem.

"Vus sco president eligi dil cussegl da vischnaunca engireis avon Diu d'ademplier tut las obligaziuns da Vies uffeci tenor meglier saver e puder."

Jeu supplicheschel Vus da repeter "Jeu engirel".

Il president dil cussegl da vischnaunca repeta:

"Jeu engirel".

Cun quei ei il niev eligi president saramentaus. Il president communal surdat il presidi al niev eligi president dil cussegl.

Ei suonda la saramentaziun dil president communal

President dil cussegl da vischnaunca

"Vus sco president communal engireis avon Diu d'ademplier tut las obligaziuns da Vies uffeci tenor meglier saver e puder".

Jeu supplicheschel Vus da repeter "Jeu engirel".

Il president communal repeta:

"Jeu engirel".

President dil cussegl da vischnaunca

Ei suonda la saramentaziun dils ulteriurs commembers dil cussegl da vischnaunca, dalla suprastonza communal e dils commembers dil cussegl da scola.

La formulaziun dil sarament secloma:

"Vus sco commembers eligi dil cussegl da vischnaunca, dalla suprastonza communal ni dil cussegl da scola engireis avon Diu d'ademplier tut las obligaziuns da Vies uffeci tenor meglier saver e puder."

Il sarament vegn fatgs cun repeter ils plaids "Jeu engirel".

Ina part dils commembers dallas autoritads menziunadas repetan "jeu engirel".

La formulaziun dall'empermischun secloma:

"Vus sco commembers eligi dil cussegl da vischnaunca, dalla suprastanza communal ni dil cussegl da scola empermetteis d'ademplier tut las obligaziuns da Vies uffeci tenor meglier saver e puder."

L'empermischun vegn fatga cun repeter ils plaids "Jeu empermettel".

Ina part dils commembers dallas autoritads menziunadas repetan "jeu empermettel".

4.3 dil vicepresidente dil cussegl da vischnaunca per 2013

President dil cussegl da vischnaunca

Sco vicepresidente dil cussegl da vischnaunca per 2013 ei proponius Wendelin Jacomet.

Tenor art. 11, alinea 4 dil regulativ da fatschentas succeda l'elecziun dil president e dil vicepresidente entras scrutini.

Cusseglier Edgar Durschei

Wendelin Jacomet ei maridaus ed ha duas feglias. El lavura sco tecnicist d'informatica tier l'armada. Dapi 25 onns ei el cassier dalla Corporaziun d'aua Mumpé Medel. El ha fatg part dil cussegl da scola, ei commember dil Forum cultural internaziunal, presidiau la cumissiun per sclarir e circumscriber las incaricas dils vischinadis e commember activ en entginas uniuns. El ademplescha las premissas per surprender igl uffeci da vicepresidente.

Elecziun

Votaziun per scrutini

Cedels reparti	15
Cedels returnai	15
Cedels vits	5
Cedels valeivels	10

Cun 10 vuschs ei cusseglier Wendelin Jacomet eligius sco vicepresidente dil cussegl da vischnaunca pigl onn 2013.

4.4 actuar dil cussegl da vischnaunca per 2013/2016

President dil cussegl da vischnaunca

Sco actuar dil cussegl da vischnaunca per 2013/2016 ei Ervin Maissen proponius.

Ervin Maissen vegn eligius unanimamein sco actuar dil cussegl da vischnaunca per la perioda d'uffeci 2013/2016.

4.5 vicepresidente communal per 2013/2016

President dil cussegl da vischnaunca

La suprastanza communal propona genau Roger Tuor sco vicepresidente communal per 2013/2016.

Elecziun

Cun 15 vuschs elegia il cussegl da vischnaunca genau Roger Tuor sco vicepresidente communal per la perioda d'uffeci 2013/2016.

4.6 cumissiun da gestiun

Vicepresident dil cussegl da vischnaunca

Sco commembers dalla cumissiun da gestiun ein proponi:

- Edgar Durschei
- Rita Huonder-Tenner
- Flavio Murer

Elecziun

Cun 12 vuschs e 3 abstenziuns elegia il cussegl da vischnaunca Edgar Durschei, Rita Huonder-Tenner e Flavio Murer sco commembers dalla cumissiun da gestiun per 2013/2016.

Vicepresident dil cussegl da vischnaunca

Cusseglia Rita Huonder-Tenner vegn proponida sco presidenta dalla cumissiun da gestiun.

Elecziun

Cun 14 vuschs ed 1 abstenziun elegia il cussegl da vischnaunca cussegliera Rita Huonder-Tenner sco presidenta dalla cumissiun da gestiun.

4.7 cumissiun da baghegiar

President dil cussegl da vischnaunca

Sco commembers dalla cumissiun da baghegiar ein proponi:

- Gion Albin
- Simon Bisquolm
- Corsin Bundi
- Dario Manetsch

Cusseglia Armin Berther

Propona cussegliera Theodosi Maissen sco commember dalla cumissiun da baghegiar. Ils davos onns ha adina in commember dil cussegl da vischnaunca apparteniu alla cumissiun da baghegiar. Per promover ina buna collaboraziun denter ils gremis eis ei bien, sch'in commember dil cussegl da vischnaunca fa era part da quella cumissiun.

Cunquei ch'ei ha dapli candidats che posts, succeda l'elecziun tenor art. 5 dil regulativ da fatschentas per scrutini.

Elecziun:

Votaziun per scrutini

Cedels reparti	15
Cedels returnai	15
Cedels vits e nunvaleivels	0
Cedels valeivels	15

Vuschs han obteniu ed eligi ein:

- *Corsin Bundi* 14
- *Theodosi Maissen* 14
- *Dario Manetsch* 13
- *Simon Bisquolm* 9

Vinavon ha obteniu vuschs:

- Gion Albin 8

Il cau dil departament da baghegiar, gerau Iso Mazzetta ei ex officio commember dalla cumissiun e president.

4.8 delegaziun Corporaziun Spital regional Surselva e Spitex Cadi

President dil cussegl da vischnaunca

Sco commembers dalla delegaziun Corporaziun Spital regional Surselva ein proponi:

- *geraua Cecilia Maissen-Desax*
- *Armin Berther*
- *Rita Huonder-Tenner*

- *Jordana Lozza-Desax*
- *Adrian Pally*

Sco suppleanta vegn proponida:

- *Edith Bass*

Elecziun

Cun 11 vuschs e 4 abstenziuns elegia il cussegl da vischnaunca geraua Cecilia Maissen-Desax, Armin Berther, Rita Huonder-Tenner, Jordana Lozza-Desax ed Adrian Pally sco commembers ed Edith Bass sco suppleanta dalla delegaziun dil Spital regiunal Surselva per la perioda d'uffeci 2013/2016.

President dil cussegl da vischnaunca

Sco commembers dalla delegaziun *Spitex Cadi* ein proponi:

- *geraua Cecilia Maissen-Desax*
- *Edith Bass*
- *Rita Huonder-Tenner*
- *Adrian Pally*

Elecziun

Cun 13 vuschs e 2 abstenziuns elegia il cussegl da vischnaunca geraua Cecilia Maissen-Desax, Edith Bass, Rita Huonder-Tenner ed Adrian Pally sco commembers dalla delegaziun Spitex Cadi per la perioda d'uffeci 2013/2016.

4.9 delegaziun Fundaziun Casa da tgira Sursassiala

President dil cussegl da vischnaunca

Sco commembers dalla delegaziun Fundaziun Casa da tgira Sursassiala ein proponi:

- *geraua Cecilia Maissen-Desax*
- *president communal Francestg Cajacob*
- *Duri Huonder*
- *dr. Thomas Lechmann*
- *Jordana Lozza-Desax*

Elecziun

Cun 13 vuschs e 2 abstenziuns elegia il cussegl da vischnaunca geraua Cecilia Maissen-Desax, president communal Francestg Cajacob, Duri Huonder, dr. Thomas Lechmann e Jordana Lozza-Desax sco commembers dalla delegaziun numnada per la perioda d'uffeci 2013/2016.

Cussegl da vischnaunca Disentis/Mustér
Il president: Igl actuar:

Flavio Murer

Ervin Maissen



Cussegl da vischnaunca 01-2013/2016
Seduta dils 11 da schaner 2013

5. Agenda 2013

Senza discussiun pren il cussegl da vischnaunca enconuschientscha dils termins per las sedutas digl onn 2013.

1. **6 da fevrer 2013**
Radunonza d'orientaziun (votaziuns dils 3 da mars 2013 e projects)

2. **15 da mars 2013**

3. **26 d'avrel 2013**
Rapport da gestiun e quen annual 2012

4. **14 da zercladur 2013**

5. **23 d'uost 2013**

6. **8 da november 2013**
Preventiv 2014

7. **13 da december 2013**

Cussegl da vischnaunca Disentis/Mustér
Il president: Igl actuar:

Flavio Murer

Ervin Maissen



Cussegl da vischnaunca 01-2013/2016
Seduta dils 11 da schaner 2013

6. Communicaziuns

President communal

Orientescha il cussegl da vischnaunca davart la repartiziun dils departaments per la perioda d'uffeci 2013/2016. La repartiziun sorta dalla gliesta che vegn repartida als commembers dil cussegl. La gliesta vegn aschuntada a quest protocol.

Cussegl da vischnaunca Disentis/Mustér
Il president: Igl actuar:

Flavio Murer

Ervin Maissen

Disentis/Mustér, ils 26 da schaner 2013

G:\Uffeci baghegiar\Cussegl da vischnaunca\Cussegl da vischnaunca 2013_16\Protocols\Cus0016_01 (2).docx